



Bosnia and Herzegovina
Federation of Bosnia and Herzegovina

CANTON SARAJEVO
Ministry of Culture and Sports

Broj: 12/04-04-8708-21/25
Sarajevo, 09.05.2025. godine

KANTON SARAJEVO
SKUPŠTINA KANTONA SARAJEVO
gosp. Elvedin Okerić, predsjedavajući Skupštine
(Ovdje)

Zastupnica u Skupštini Kantona Sarajevo Admela Hodžić je u skladu sa članom 211 i 214. Poslovnika Skupštine Kantona Sarajevo („Službene novine Kantona Sarajevo”, br : 41/12- Drugi novi prečišćeni tekst , 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24) na 20. radnoj sjednici Skupštine Kantona Sarajevo, održanoj dana 14.03.2025. godine u okviru tačke Dnevnog reda „Poslanička/zastupnička pitanja, inicijative i odgovori“ postavila zastupničko pitanje koje glasi :

Prilog 1: Zastupnička pitanje zastupnice Admele Hodžić

Na osnovu člana 211. Poslovnika Skupštine Kantona Sarajevo („Službene novine Kantona Sarajevo“, br. 41/12 – Drugi novi prečišćeni tekst , 15/13, 47/13, 47/15, 48/16, 9/20, 14/20, 16/22 i 17/22 – ispravka i 47/24) upućujem zastupničko pitanje Vladi Kantona Sarajevo, odnosno svim ministarstvima, javnim ustanovama, javnim preduzećima i svim ostalim ustanovama kojima se Budžetom Kantona Sarajevo obezbijavaju sredstva **prema ekonomskom kodu 613900 – Posebna naknada za podsticanje rehabilitacije i zapošljavanje osoba sa invaliditetom**, i tražim da se Skupštini Kantona Sarajevo dostavi odgovor, odnosno podnese izvještaj za proteklu godinu, za koliko neuposlenih osoba s invaliditetom je uplaćeno sredstava (prema Zakonu o profesionalnoj rehabilitaciji, osposobljavanju i zapošljavanju lica sa invaliditetom – član 18. najmanje jedno lice sa invaliditetom na svakih 16. zaposlenih, dužni smo zaposliti) i koliko je tih sredstava iskorišteno u odnosu na iznos predviđen Budžetom za 2024. godinu i detaljnu informaciju koliko je osoba sa invaliditetom koristilo ova sredstva za navedene svrhe uplaćena u Fond za profesionalnu rehabilitaciju i zapošljavanje osoba sa invaliditetom. Detaljnu informaciju tražiti od Fonda za profesionalnu rehabilitaciju i zapošljavanje osoba sa invaliditetom za sredstva koja su uplaćena iz Budžeta Kantona Sarajevo za 2024. godinu.

U odgovoru na navedeno zastupničko pitanje ističemo slijedeće:

Ministarstvo kulture i sporta Kantona Sarajevo uputilo je Fondu za profesionalnu rehabilitaciju i zapošljavanje osoba sa invaliditetom (u daljem tekstu: Fond) Zahtjev za dostavljanje informacije o



Adresa: Reisa Džemaludina Čauševića 1, 71 000 Sarajevo
Tel/fax: + 387 (0) 33 562-062
Web: <http://mks.ks.gov.ba>, E-mail: mks@mks.ks.gov.ba

broju osoba sa invaliditetom koje su koristile sredstva uplaćena u Fond iz Budžeta Kantona Sarajevo za 2024. godinu, broj: 12/04-11-16855/25 od 21.04.2025.godine.

Fond je dostavio Ministarstvu odgovor, broj: 06-31-1-5404-1/25 od 30.04.2025. godine koji vam dostavljamo u prilogu.

Prilog 2: Odgovor Fonda za profesionalnu rehabilitaciju i zapošljavanje osoba sa invaliditetom

Odgovor pripremila Koordinator izrade odgovora
[redacted] ska pitanja i inicijative
[redacted] ozadra, šef Odjeljenja za pravne poslove



Dostaviti:

- ① Naslov,
2. a/a.



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj:01-04-8708-21/25
Sarajevo, 14.03.2025. godine

-Vlada Kantona Sarajevo

- Svim ministarstvima KS (x12)

- Službe Kantona Sarajevo (x8)

- Zavodi (x5)

- Uprave (x2)

Ministarstvo kulture i
sporta KS

- Svim javnim ustanovama KS 4x (putem Ministarstva za nauku, visoko obrazovanje i mlade, Ministarstva zdravstva, Ministarstva za rad, socijalnu politiku, raseljena lica i izbjeglice i Ministarstva kulture i sporta)

- Svim javnim preduzećima KS 4x (putem Ministarstva saobraćaja, Ministarstva komunalne privrede i infrastrukture, Ministarstva pravde i uprave i Ministarstva privrede)

PREDMET: Zastupničko pitanje, dostavlja se -

Zastupnica Admela Hodžić na 20. radnoj sjednici Skupštine Kantona Sarajevo, održanoj dana 14.03.2025. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo postavila je **zastupničko pitanje** koje vam u prilogu dostavljamo.

Zastupnica je pitanje dostavila u pisanoj formi, te vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“, broj: 41/12-Dруги нови преčišćени текст, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) odgovor, u pisanom obliku, uputite predsjedavajućem Skupštine Kantona Sarajevo kako bi isti dostavili zastupnicima u Skupštini.

Prilog: Zastupničko pitanje

Pripremila: Dženita Džeborović

Kontrolisala: Amela Smailagić-Čamdžić



PREDJEDAVAJUĆI
SKUPŠTINA KANTONA SARAJEVO

[Signature]
[Redacted]

CO:

- sekretar SKS

- sekretar Vlade



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax: + 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

Admela Hodžić

Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
Vlada Kantona Sarajevo
N/r predsjedavajućeg

ZASTUPNIČKO PITANJE

Na osnovu člana 211. Poslovnika Skupštine Kantona Sarajevo („Službene novine Kantona Sarajevo”, broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22- Ispravka i 47/24) upućujem zastupničko pitanje Vladi Kantona Sarajevo, odnosno svim ministarstvima, javnim ustanovama, javnim preduzećima i svim ostalim ustanovama kojima se Budžetom Kantona Sarajevo obezbjeđuju sredstva prema **ekonomskom kodu 613900 - Posebna naknada za podsticanje rehabilitacije i zapošljavanje osoba sa invaliditetom**, i tražim da se Skupštini Kantona Sarajevo dostavi odgovor, odnosno podnese izvještaj za proteklu godinu, za koliko neuposlenih osoba s invaliditetom je uplaćeno sredstava (prema Zakonu o profesionalnoj rehabilitaciji, osposobljavanju i zapošljavanju lica sa invaliditetom – član 18. najmanje jedno lice sa invaliditetom na svakih 16 zaposlenih, dužni smo uposliti) i koliko je tih sredstava iskorišteno u odnosu na iznos predviđen Budžetom za 2024. godinu i detaljnu informaciju koliko je osoba s invaliditetom koristilo ova sredstva za navedene svrhe uplaćena u Fond za profesionalnu rehabilitaciju i zapošljavanje osoba sa invaliditetom.

Detaljnu informaciju tražiti od Fonda za profesionalnu rehabilitaciju i zapošljavanje osoba sa invaliditetom za sredstva koja su uplaćena iz Budžeta Kantona Sarajevo za 2024. godinu.

OBRAZLOŽENJE

Ovi podaci su nam prijeko potrebni kako bi mogli pratiti statistiku na godišnjem nivou koliko sredstava uplaćujemo sa ekonomskog koda Fondu za profesionalnu rehabilitaciju i zapošljavanje osoba sa invaliditetom, koliko osoba prema Zakonu o profesionalnoj rehabilitaciji, osposobljavanju i zapošljavanju lica sa invaliditetom nismo uposlili i koliko

smo dodatnog troška napravili u budžetu ako znamo da za svaku 16. osobu ukoliko uposlena nije osoba s invaliditetom, uposlenoj osobi na tom radnom mjestu dajemo plaću ali isto tako i dodatnih 25% od prosječne plaće u Federaciji BiH uplaćujemo u Fond.

Jednom moramo podvući crtu koliko nas to sve skupa košta i postaviti pitanje da li nam uopće treba inkluzija ako nam takav radni kadar ne treba.

Ulažemo u inkluziju, proizvodimo novi kadar sa određenim zvanjima prema njihovim mogućnostima, ali nismo proizveli takva radna mjesta i zbog toga u Fond uplaćujemo sredstva jer opet i mi u institucijama pribjegavamo upošljavanju prema zvanju, znanju, iskustvu i sposobnostima.

Ranije sam podnosila inicijativu da se provede edukacija donosiocima novih sistematizacija za radna mjesta, gdje je to moguće, svako 16. radno mjesto prilagode osobama s invaliditetom.

Postavlja se pitanje da li osoba s invaliditetom, koja je uz IPP i asistenta u nastavi završila obrazovanje i stekla zvanje, može samostalno proći testiranje prilikom provođenja konkursne procedure?

Kako da neko samostalno savlada testiranja i intervju ako nije savladao nastavno gradivo samostalno?

Također, postavlja se pitanje da li su javni pozivi u institucijama prilagođeni svim kategorijama aplikanata, da li su web stranice institucija prilagođene da ih mogu koristiti sve kategorije osoba s invaliditetom, da li su javni pozivi prilagođeni svim kategorijama za ovu populaciju, da li su mjesta za testiranja i intervju jednako dostupna osobama u invalidskim kolicima, slijepim i slabovidnim licima i osobama oštećenog sluha?

Drugi dio inkluzije tek slijedi.

Molim Vas da nam odgovor dostavite što je prije moguće.

Sarajevo, 14.03.2023. godine

Admela Hodžić

Zastupnica



BOSNIA AND HERZEGOVINA
FEDERATION OF BOSNIA AND HERZEGOVINA
FUND FOR PROFESSIONAL REHABILITATION
AND EMPLOYMENT OF DISABLED PERSONS



Broj: 06-31-1-5404-1/25
Sarajevo, 30.04.2025. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO KULTURE I SPORTA
Reisa Džemaludina Čauševića 1,
71000 Sarajevo

Bosna i Hercegovina
Federacija Bosne i Hercegovine
KANTON SARAJEVO

PRIMLJENO		07.05.2025	
Organizaciona jedinica	Kontinentalni broj	Broj priloga	
12	11	16855-1	

PREDMET: Odgovor na zastupničko pitanje, **dostavlja se**
Veza: Vaš akt broj: 12/04-11-16855/25 od 21.04.2025. godine

Poštovani,

Dana 29.04.2025. godine u Fondu za profesionalnu rehabilitaciju i zapošljavanje osoba sa invaliditetom (u daljem tekstu: Fond) zaprimljen je Vaš akt gore navedeni u kojemu tražite odgovor na zastupničko pitanje postavljeno na Skupštini Kantona Sarajevo od strane zastupnice Admele Hodžić a koji se odnosi na to kolika su uplaćena sredstva iz budžeta Kantona Sarajevo za 2024. godinu u Fond odnosno za koliko je neuposlenih osoba s invaliditetom uplaćeno te koliko je osoba sa invaliditetom koristilo navedena sredstva u 2024. godini.

Članom 18. Zakona o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH“ broj 09/10), predviđeno da prilikom zapošljavanja osoba sa invaliditetom pod općim uvjetima subjekti iz člana 15. stav 2. Zakona dužni su ta lica zapošljavati srazmjerno ukupnom broju zaposlenih u tom subjektu i to od 2013. godine najmanje jedno lice sa invaliditetom na svakih 16 zaposlenih.

Subjekti koji ne ispune tu obavezu dužni su mjesečno pri isplati plaća obračunati i uplatiti u Fond novčani iznos u visini 25% od prosječne plaće u Federaciji za svako lice sa invaliditetom koje su bili dužni zaposliti u skladu sa Zakonom.

Pravni subjekti koji imaju manje od 16 zaposlenih dužni su svakog mjeseca, prilikom isplate plaća uplaćivati u Fond poseban novčani iznos u visini 0,5% iznosa isplaćene mjesečne bruto plaće svih uposlenika, izuzev ako zapošljavaju osobe s invaliditetom sukladno članu 18. stav 1. ovoga zakona

Napominjemo da su sredstva posebnog doprinosa za podsticanje rehabilitacije i upošljavanja osoba sa invaliditetom dužni plaćati svi porezni obveznici u FBiH koji nemaju zaposlenu najmanje jednu osobu sa invaliditetom na svakih 16 uposlenika, a u skladu sa članom 18. i 19. Zakona.

U smislu navedenog, u Pravilniku o načinu uplate, pripadnosti i raspodjeli javnih prihoda u FBiH („Službene novine FBiH“ broj: 54/20) objavljeni su depozitni računi Fonda kao i šifre prihoda za uplatu navedenih javnih prihoda.

Kako bi u potpunosti dostavili precizne i jasne podatke i ispunili zakonske obaveze prema Fondu, poslodavci su dužni da postupe u skladu sa Uputstvom i Obrascem za vođenje evidencija o poslodavcima, platama i iznosu posebnog doprinosa te zaposlenim osobama sa invaliditetom („Službene novine Federacije BiH“ broj 52/15 i 64/15) tj. da elektronskim putem na aplikativnom softveru dostupnom na linku: <https://ap.fond.ba/> izvrše gore navedene obaveze.

Sva poduzeća, ustanove, državni organi i druga pravna lica registrirana prema propisima u BiH, koji su kao poslodavci dužni da na ukupan broj zaposlenih zapošljavaju određeni broj osoba sa invaliditetom a u skladu sa članom 18. i 19. Zakona obavezni su da vode evidenciju i da redovno popune ovaj obrazac unošenjem traženih podataka i isti dostave Fondu elektronski putem (ap.fond.ba) jedanput godišnje najkasnije do 31.03. svake godine za prethodnu godinu.

Ukoliko se prilikom popunjavanja EP obrazaca na aplikativnom softveru utvrdi da poslodavac ima obavezu uplate posebnog doprinosa za podsticanje rehabilitacije i upošljavanja osoba s invaliditetom, iste je potrebno uplatiti na depozitne račune Fonda prema šifri prihoda, a u skladu sa Pravilnikom o načinu uplate, pripadnosti i raspodjeli javnih prihoda u FBiH („Službene novine FBiH“ broj: 54/20), a prema sljedećim tabelama:

NAZIV	NAZIV BANKE	BROJ RAČUNA
Fond za profesionalnu rehabilitaciju i zapošljavanje osoba sa invaliditetom FBiH	ASA Banka d.d.	134-470-1000753-837
	UniCredit Bank d.d.	338-690-2296358-521

NAZIV PRIHODA	VRSTA PRIHODA
Sredstva za poticanje rehabilitacije i zapošljavanja lica sa invaliditetom koja plaćaju subjekti u državnim organima	722568
Sredstva za poticanje rehabilitacije i zapošljavanja lica sa invaliditetom koja plaćaju privredni i drugi subjekti	722569

S obzirom na navedeno ističemo da Fond iznos obaveze i iznos uplaćenih sredstava posebnog doprinosa veže za ID broj poslodavca, te iz tog razloga nemamo podatak koliko je sredstava zbirno uplaćeno iz budžeta Kantona Sarajevo prema Fondu u 2024. godini. Da bi Vam omogućili tu informaciju potrebno je da dostavite sve ID brojeve organizacija za koje su uplaćivana sredstva iz budžeta Kantona Sarajevo.

Iz navedenog razloga nije moguće dati niti podatak za koliko je neuposlenih osoba s invaliditetom uplaćivano iz Budžeta Kantona Sarajevo.

Vezano za podatak koliko je osoba sa invaliditetom koristilo sredstva Fonda u 2024. godini možemo Vam dati generalne podatke ali bez toga koliko je navedenih aktivnosti finansirano od sredstava budžeta Kantona Sarajevo.

Raspodjela sredstava novčanog stimulansa za novo zapošljavanje osoba s invaliditetom u 2024. godini izvršena je putem dva javna poziva, a u skladu sa važećim Pravilnikom o raspodjeli sredstava Fonda za profesionalnu rehabilitaciju i zapošljavanje osoba s invaliditetom za dodjelu novčanog stimulansa za novo zapošljavanje osoba s invaliditetom. Pravo sudjelovanja u raspodjeli sredstava imali su poslodavci koji zaposle osobu s invaliditetom u skladu sa odredbama Zakona na period od najmanje 12 mjeseci, te osobe koje se samozapošljavaju kroz pokretanje i registriranje samostalne djelatnosti.

Prvim javnim pozivom zaposlene su 224 osobe sa invaliditetom dok je drugim javnim pozivom zaposleno 267 osoba sa invaliditetom za što je ukupno izdvojeno 8.879.460,00 KM.

Također Fond je u 2024. godini finansirao i sufinansirao određene programe u skladu sa Zakonom:

- Lot I: Za finansiranje/sufinansiranje programa za održavanje postojećeg nivoa zaposlenosti osoba sa invaliditetom u privrednim društvima za zapošljavanje osoba sa invaliditetom i zaštitnim radionicama
- Lot II: Za finansiranje/sufinansiranje programa za razvoj privrednih društava za zapošljavanje osoba sa invaliditetom i zaštitnih radionica
- Lot III: Za finansiranje/sufinansiranje programa profesionalne rehabilitacije osoba sa invaliditetom:
 - 1) 3.1 Programi profesionalne rehabilitacije koje provode privredna društva, zaštitne radionice i druga pravna lica prema Zakonu
 - 2) 3.2 Programi profesionalne rehabilitacije koje provode ustanove za profesionalnu rehabilitaciju, srednje škole i druge obrazovne ustanove
 - 3) 3.3 Programi profesionalne rehabilitacije na koje osobe s invaliditetom same apliciraju
- Lot IV: Za finansiranje/sufinansiranje programa održivosti zaposlenosti osoba sa invaliditetom koje obavljaju samostalnu djelatnost ili poljoprivrednu djelatnost kao jedino i glavno/osnovno zanimanje, uključujući i osobe sa invaliditetom koje su zaposlene u skladu sa članom 56. stav 2. i 3. Zakona
- Lot V: Za finansiranje/sufinansiranje programa održivosti zaposlenosti osoba sa invaliditetom zaposlenih u organizacijama osoba sa invaliditetom

Programima održivosti zaposlenosti (Lot I) na prvom javnom pozivu podržano je 96 privrednih društava za zapošljavanje osoba sa invaliditetom i zaštitnih radionica, čime je osigurana održivost zaposlenosti za 1.045 osoba s invaliditetom. Na drugom javnom pozivu podržano je 87 privrednih društava za zapošljavanje osoba sa invaliditetom i zaštitnih radionica, čime je podržana održivost zaposlenosti za 916 osoba s invaliditetom.

Programima razvoja (Lot II) podržano je 70 privrednih društava za zapošljavanje osoba s invaliditetom i zaštitnih radionica. Na ovaj način, privredna društva su zaposlila 70 osoba s invaliditetom na neodređeno vrijeme vlastitim sredstvima, a kroz programe razvoja uticalo se i na 802 osobe s invaliditetom koje su zaposlene u ovim privrednim društvima.

Programima profesionalne rehabilitacije obuhvaćeno je 35 osoba s invaliditetom (prekvalifikacija i dokvalifikacija u odgovarajućim obrazovnim ustanovama).

Kroz programe održivosti (Lot IV) u okviru dva javna poziva podržano je 705 samostalnih obrtnika osoba sa invaliditetom.

Programima održivosti zaposlenosti (Lot V) u 30 organizacija osoba s invaliditetom obuhvaćeno je 50 osoba s invaliditetom.

U skladu sa članom 48., 51., 53. i 56. Zakona, privredno društvo za zapošljavanje osoba s invaliditetom, zaštitna radionica, organizacija osoba s invaliditetom koja ima zaposlene osobe sa invaliditetom i osobe sa invaliditetom koje obavljaju samostalnu djelatnost imaju pravo na novčanu nadoknadu za zaposlene osobe sa invaliditetom koje zapošljavaju pod posebnim uslovima, a u skladu sa članom 15. stav 6. Zakona, na osnovu:

- plaćenog doprinosa za penzijsko i invalidsko osiguranje,
- plaćenog doprinosa za zdravstveno osiguranje,
- plaćenog doprinosa za osiguranje od nezapošlenosti,
- poreza na dohodak.

Navedeno pravo na novčanu nadoknadu pripada i osobama iz člana 56. stav 2. i 3. Zakona tj. samostalnom poduzetniku/poljoprivredniku koji je roditelj, dijete ili bračni drug osobi sa invaliditetom koju zapošljava. Pravo se ostvaruje za plaćene poreze i doprinose u Federaciji BiH.

Privredno društvo ili organizaciona jedinica privrednog društva koje ostvaruje status zaštitne radionice, pored novčane nadoknade, a u skladu sa članom 53. i 29. Zakona, ima pravo na subvenciju neto plaće zaposlenih osoba s invaliditetom u skladu sa Zakonom, u visini 30% od prosječne neto plaće u Federaciji BiH, kao i pravo na novčane nadoknade za sve ostale zaposlenike.

Isplata novčanih nadoknada i subvencija kao direktne zakonske obaveze Fonda vršene se kontinuirano. Ovom aktivnošću podržana je održivost zaposlenosti za cca. 3.787 osoba s invaliditetom, što uključuje 2.717 osobu sa invaliditetom za koje je isplaćivana novčana nadoknada i 1.070 osoba s invaliditetom koje su ostvarile pravo na subvenciju plaće.

Također želimo Vas obavijestiti da je Fond odgovor na navedeno zastupničko pitanje ranije dostavio i Ministarstvu privrede KS (Odgovor broj: 01-31-1-3973-1/25 od 01.04.2025. godine).

Za sva dodatna pitanja i pojašnjenja stojimo Vam na raspolaganju.

S poštovanjem,

Dostaviti:

- Naslovu
- a/a



DIREKTOR

Ahmet Baljić

Strana 4 od 4